

Nd. 494. Breytingartillögur

við frv. til l. um húsmæðrafræðslu.

Frá menntamálanefnd.

1. Við 2. gr.
 - a. Í stað „gagnfræðaráðs eða gagnfræðaráða“ í 1. tölul. komi: fræðsluráðs eða fræðsluráða.
 - b. Á eftir 1. tölul. komi nýr töluliður, svo hljóðandi:
Umsögn hlutaðeigandi kvenfélagasambands eða sambanda.
2. Við 3. gr. Eftir 1. mgr. komi ný mgr.:
Skólanefnd getur með samþykki fræðslumálastjórnar ákveðið, að skóli starfi í 2 ársdeildum.
3. Við 7. gr. Á eftir orðunum „tekju- og eignarskatts íbúanna“ í 1. mgr. komi: eftir meðaltali 5 síðustu ára.
4. Við 8. gr. Greinin falli burt.
5. Við 9. gr. Greinin orðist svo:
Fastir kennarar við húsmæðraskóla eru embættismenn ríkisins og taka laun úr ríkissjóði samkvæmt launalögum. Ríkissjóður greiðir einnig styrk til stunda-

kennslu samkv. 10. gr. Annar rekstrarkostnaður greiðist úr skólasjóði. Tekjur skólasjóðs eru: húsaleiga, tekjur af eignum skólans og tekjur af ýmiss konar starfrækslu, sem rekin er í því skyni að afla skólanum tekna. Að svo miklu leyti, sem þessar tekjur hrökkva ekki fyrir gjöldum skólasjóðs, greiða hlutaðeigandi sveitarfélög sjóðnum helming þess, sem á vantar, eftir sömu reglum og stofnkostnaður er greiddur, en ríkissjóður greiðir hinn helminginn.

6. Við 10. gr. Við gr. bætist ný mgr.:

Ríkissjóður greiðir styrk til stundakennslu hlutfallslega fyrir þá nemendur, sem umfram eru þá tölu, sem ætluð er föstum kennurum.

7. Við 13. gr. Greinin orðist svo:

Til þess að verða settur kennari við húsmæðraskóla þarf kennarapróf í hússtjórn eða handavinnu, en til skipunar auk þess tveggja ára húsmæðrakennslu og meðmæli skólastjóra. Skólastjóri skal þó hafa kennt 3 ár hið minnsta.

Heimilt er þó við gildistöku þessara laga að setja eða skipa skólastjóra og kennara þá, sem kennt hafa 2 ár hið minnsta í húsmæðraskóla með góðum árangri, enda þótt þeir fullnægi ekki framangreindum skilyrðum.

Nú sækir enginn, sem fullnægir þessum skilyrðum, um lausa skólastjóra eða kennarastöðu, skal þá fræðslumálastjórn og skólanefnd leitast við að fá kennara, er hún treystir, og má að þremur árum liðnum skipa hann í stöðuna, ef hún telur hann starfinu vaxinn, enda komi meðmæli skólanefndar til.

Ákvæði þessarar greinar taka þó ekki til þeirra, er skipa fastar stöður við húsmæðraskóla, þegar lög þessi koma til framkvæmda.

8. Við 15. gr. Greinin falli niður.

9. Við 16. gr. Greinin orðist svo:

Nú hefur kennari gegnt embætti í 10 ár við þá skóla, er í lögum þessum greinir, og óskar að hverfa frá störfum í eitt ár til að efla þekkingu sína og kennarahæfni, skal hann þá senda fræðslumálastjórn beiðni um orlof, ásamt greinargerð um, hvernig hann hyggst að verja orlofsárinu. Ef fræðslumálastjórn telur þá greinargerð fullnægjandi, á hann rétt á árs orlofi með fullum launum og síðan tíunda hvert ár á sama hátt og með sömu skilyrðum. Beiðni um orlof skal send fræðslumálastjórn með árs fyrirvara. Fræðslumálastjórn veitir kennurum, er þess óska, leiðbeiningar um, hvernig orlofsári skuli varið, en allir verða þeir að gefa henni skýrslu um störf sín að orlofsári loknu, að viðlögðum launamissi fyrir það ár.

Fræðslumálastjórn setur nánari reglur um framkvæmd orlofsins. Skal þess gætt, að það trufli ekki störf skólanna eða torveldi þau.

10. Við 17. gr.

a. Í stað „18 ára“ komi: 17 ára.

b. Í stað „unglingaprófi“ komi: skyndinámi.

11. Við 18. gr. Í stað orðanna „fjölga kennslugreinum“ komi: fjölga og fækka kennslugreinum.

12. Við 20. gr. 2. máls. gr. orðist svo: Heimilt er að ráða einn námsstjóra til leiðbeiningar og eftirlits með skólunum.

13. Við 22. gr. Greinin falli niður. Greinatala breytist samkv. atkvgr.